

何光岳著

中华姓氏 源流史

湖南教育出版社

何光岳著

中华姓氏 源流史

湖南教育出版社

四卷

第十编 祝融支姓氏

陆 终 氏

《古今姓氏书辨证》：《元和姓纂》曰：祝融子陆终之后有陆终氏。又曰：王莽曾孙孺兴，与东平陆终氏有恶。谨按：古有陵终氏，然陵陆偏傍相近，必陆讹而为陵也。

《姓觿》：《姓源》云：吴回子陆终之后。

《姓氏寻源》：《姓氏源流》云：重黎卒，帝喾以回代之，封于吴，是为吴回。吴回生陆终，其支庶为陆终氏。《路史》颛顼后有陆终氏。澍按：《姓纂》、《辨证》之说皆非，与王莽之祖翁孺有怨者，终氏也。东平，陆地名。

钱 (钱) 氏

《广韵》下平声二仙：钱，又姓，晋有历阳太守钱凤。

《元和姓纂》钱氏：颛顼曾孙陆终生彭祖，孙孚，周钱上氏，因官命氏焉。战国时有隐士钱丹，秦有御史大夫钱产，子孙居下邳。岑仲勉《四校记》云：《通志》作“裔孙孚，周钱府上士”，是也，《辨证》九及《类稿》一七、《备要》七同跋云：“又（《路史后记》）八卷注云，《姓纂》有彭祖孙子为周钱府大夫，今孙本二仙钱姓下引《秘笈新书》补云，彭祖孙孚、周上氏。案《路史》注子字当是孚字之误，古未闻以钱上命官，而《周礼》有泉府，泉、钱古通字，则新书上字为士字之误也。”按如沈说改为“钱府氏”，语亦难通。

《古今姓氏书辨证》钱氏：出自颛帝曾孙陆终，生彭祖，彭祖裔孙孚，为周府上士，因官命氏焉。战国时有隐士钱丹，秦御史钱产，居下邳。《西京杂记》：会稽人钱勃劳苦，故人朱买臣遗与纨扇，买臣为太守，至郡，引为上客。汉哀、平间，钱襄为广陵太守，避王莽乱，徙居乌程，生晟。又东晋青州刺史端、历阳太守凤，字世仪，所谓精神满腹者。裔孙乐，宋太史令，居长城，故又望出吴兴。宋吴越钱氏，杭州临安鏐、铎、铍、锯、鏖。鏐为吴越国王，谥武肃，子元璵嗣，谥文穆。子弘佐嗣，谥忠献。弟倬嗣，国人废之。以弟俶嗣，俶举十三州归于有司，徙封淮南王，守太师尚书令兼中书令，赠邓王，谥忠懿。

《通志·氏族略四》以官为氏：钱氏，颛帝曾孙陆终生彭祖，裔孙孚，同钱府上士，因官命氏焉。战国时有隐士钱丹，秦有御史大夫钱产，子孙居下邳。汉哀、平间，钱逊为广陵太守，避王莽乱，徙居乌程。逊子晟。东晋有青州刺史钱端、历阳太守钱凤。宋有太史令钱乐之。五代时有钱鏐，据吴越，宋赠武穆王，望出彭城、吴兴。

《姓氏急就章》卷上：钱氏，《姓苑》云：彭祖姓钱名铿。按钱、钱同，而《姓觿》分为钱、钱二姓。

《姓觿》钱氏：《姓源》云：陆终生彭祖，其孙孚为周钱府上士，后因氏。《千家姓》云：彭城族。《吕览》战国时有隐士钱丹。《史记》秦有御史大夫钱产。《三国志》有钱铜。《晋书》有钱凤、钱广。《南史》有钱道戢。《唐书》有钱徽、钱起。《五代史》有吴越王钱鏐、钱俶。《宋史》有钱昆、钱藻、钱易、钱之望、钱若水、钱惟演、钱供奉。

又：钱氏，《姓考》云：彭祖名，后以为它。《千家姓》云：彭城族。

《姓氏寻源》钱氏：《姓谱》云：钱氏出彭祖之孙孚，为周钱府上士，因官为氏。欧阳修云：钱氏三代以来无显者，初以士为周官，久而以为氏。《氏族谱》望出下邳、吴兴。澍按何姓有改为钱者，明钱裕是也。见钱仪吉《庐江何氏谱》。

又：钱氏，彭祖姓钱名铿，陆终氏之子。贝虞翻说。诸姓书皆言彭祖之孙孚为周钱府上士大氏，氏钱不知乃因其祖姓之钱，而改从钱也。《姓觚》钱氏：《姓考》云：彭祖名，后以为氏，《千家姓》云：彭城族。《姓氏寻源》钱氏：彭祖姓钱名铿，陆终氏之子贝虞翻说。诸姓书皆言彭祖之孙孚为周钱府上士为氏，氏钱不知乃因其祖姓之钱，而改从钱也。

《姓氏考略》钱氏：《姓谱》：彭祖之孙孚，为周钱府上士，因以官为氏。望出彭城、下邳、吴兴。

《唐贞观八年条举氏族事件》载：湖州长城郡一姓为钱氏。而《新集天下姓望氏族谱》载：湖州吴兴郡十六姓之二为钱氏，扬州广陵郡十一姓之三为钱氏。《太平寰宇记》载：湖州长城郡二姓：钱、胥。又云“长兴著姓，钱氏最盛，自六朝至宋，王侯、牧守、将军，凡钱姓皆其裔也。”

《墩山钱氏丹桂堂家谱·谱氏第一》云：吾先君子兄弟五人，生当前清月光之际。惟先大父榕初公之庭训是服膺，颇以文章竞爽庠序，而世父葵荪公首魁乡举。榕初公顾而乐焉，遂援冯道赠窦禹钧诗“丹桂五枝芳”之句，额其堂曰丹桂。继继绳绳以迄今日，吾子吾孙服习典训。而诗书之泽，已及五世。胚胎前光，则榕初公之以也。於是断自榕初公而成《丹桂堂家谱》，惟刘彦和著文心雕龙。言谱者普也，注序世统，事资周普。而《旧唐书·经籍志》谓谱系以纪世族继序。苟不溯谱系於世统，其何以明本支之继序。谱而失系，岂曰周普。述谱系第一。

钱氏，其先祖出自黄帝。黄帝考，少典之子，长於姬水，因以为姓。而娶於西陵之女，是为嫫祖。嫫祖为黄帝正妃，生二子，曰玄嚣、昌意。昌玄娶蜀山氏女曰昌仆，生帝颡项高阳，本史记五帝本纪高阳生伯称、卷章、季禹三人。本罗泌路史论纪疏伯称之子曰老童，老童生重黎，重黎生回。回食於吴，是曰吴回，生陆终。陆终娶鬼方氏曰嫫。娠三年，生子六人：曰樊，曰惠连，曰钱，曰求言，苏洵嘉祐集族谱后录作来言，武肃王谱作永言曰晏安，苏谱作安曰季连。以六月六日坼左而三人生，剖右而三人出。钱之字铿，封於彭，是为大彭。彭祖以斟雉养性事放勋。夏之中兴，别封其孙元哲于韦，是为豕韦。迭为夏伯，夏迁於商，老彭守官大夫。商王致采女受术，钱始去之，终身不见，寿七百六十七本《路史》丧，四十九妻、五十四子，名繁不具著。而第二十八子曰孚者，仕周文王，官钱府上士，始以官为氏，而传后世，称钱氏。然《周礼·地官》有泉府，无钱府。钱古作泉，以官为氏，当曰泉氏。而称钱氏者，疑从彭祖之名钱，去竹为氏。如黄帝臣太山稽之后为稽氏，商王汤之后为汤氏，以名为氏，而非官命氏也。於是传二十二世而至丹，丹生户，绍休於前人。著见唐林宝《元和姓纂》，谓战国时有隐士钱丹，秦有御史大夫钱产，子孙居下邳者也。又七世而为林，实生汉哀帝建平之世，仕为谏议大夫。及平帝元世五年，而睹王莽专政，谊不仕汙朝，弃官隐逊，乃自下邳徙长兴平望乡陂门里梓山之东而家焉。林生宪，宪生敞，事光武皇帝，为祠部郎。有墓在长兴县雉山西南，载《浙江通志》，曰汉祠部郎钱敞墓者也。敞之子朔，建武中元中，仕黄门侍郎，至明帝永平初，历官骑都尉、代郡太守。朔之子咸，有墓在长兴县西五里，其山名华盖山。墓柱上题汉故旂门将军高密太守钱府君之神道，亦见《浙江通志》。咸生隐，隐生冲，冲生让，字德高。顺帝阳嘉元年，初令郡国举荐廉，限年四十以上诸生，通章句文史，能牋

奏，乃得应选。而让得与，重瞳美髯，语含钟声，手垂逾膝，豁达善谋，除历阳、章安二县长。汉安元年，司隶校尉赵峻为太尉，辟让西曹掾，迁黄门选部侍郎。建康元年，九江苑容、周生等，相聚反乱，屯据历阳，荡覆淮泗、徐扬。有诏以让忠诚亮直，必能尽节，拜广陵太守，假节以征东将军督州郡兵讨之。让沈谋内张，羽异外舒，行阵暂接，凶徒授首，斩贼首徐凤、谢安。而苑容、周生相缚就款。於是桓帝旌其识功，封富彭侯，食邑五千户。以和平元年三月十六日薨，春秋六十有三，谥曰哀。配夫人东海徐氏，生三子，曰承、曰京、曰晟。继妾宫皇甫氏，生一子曰耽。次子京，历官东宫舍人、太子洗马、黄门侍郎、高密太守、越骑校尉、右将军。五子，宝其仲也。生二子，曰褊、曰睦。睦生二子，长、秀。自宝以下，三世仕孙吴。吴亡而秀之长子曰广，吴兴长城人也。入晋，事惠帝，太安中，举孝廉。寻以平江东贼石冰封云等有功，东海王越表其勋，授以军谿祭酒，领江州刺史，假节征虏将军，都督江东诸军事。广陵相陈敏作慝，割据江表。广与顾荣、周玘等谋曰，吾侪受恩朝廷，官位至此，安得不以忠义自效，乃歃血而盟，结为昆弟，协心奋击，而敏以平。赏典未至。薨於怀帝永嘉二年，年五十有四。后二年，赐以丹书，追赠永安侯，食邑二千户，谥曰忠壮，名在《晋书》。而吾钱氏英贤之卓萃见於史者，实始於广也。广有五子，其次曰弥。弥生玮，玮生兴德，兴德生伯仁。伯仁有女曰宝媛，适同县陈文讚，生子霸先，即陈高祖也。及高祖受禅，乃追尊母为景皇后，谥孝烈。而伯仁以外大父追赠临川郡王。有子五人，长肃之。肃之生道始，与从兄弟道戢事陈高祖，有佐命功。高祖微时，以从妹妻道戢焉。道戢《陈书》有传。而道始从高祖起兵，平侯景，擒王僧辩，走徐嗣徽，相从患难。及高祖受禅，通戢颇柄兵用事。而道始则优以散秩。诏曰：“卿功在佐命。今天下已定，岂可以繁剧重劳。”遂授阳威将军，守本郡刺史，保卫陵寝。卒赠开国伯。有子六人，各授一宅。分东西南北上下，为湖头六房。别子为祖，曰纂，为西房祖，善服为东房祖，望远为南房祖，吉儿为北房祖，智远为上房祖。而智昌，其季也，为下房祖。尝随父护杜龔於大义栅，相持百日。筑垒之地，即下房之宅，智昌所居也。累官宣城太守，加仁威将军，卒赠绥安侯。长子璩袭爵而陈亡，入隋不仕而归老於乡。隋大业末，境内大饥，璩倾家赈赡。寇盗蜂起，璩纠率义氓，保境安民，赖以亡害焉。以唐太宗贞观十九年卒，年七十有三。生三子，长曰元修。贞观五年，举明经。七年，诏徵索天下民族谱谍，元修录家谱送诣京师。高宗永徽四年，睦州女子陈硕真举兵反，自称文佳皇帝。诏州郡会兵讨之。吴兴太守李杭廷与谋，元修遂请兵击剿余党，以功拜扬威将军。生二子，长曰孝憬，年十六，以门荫授当富春尉。独孝憬雅志高尚，十辟三公府，再以五品徵。简书交至，而孝憬放情岩谷，以为临安土沃而水清，石镜居前，光分数里，苕溪处后，波漾十寻，乃相临安县之东南茅山之麓而定居焉。号茅山祖。生七子，长曰师宝。师宝生仁昉。仁昉生硕宣。硕宣博学多通，善相地。尝登石统之峰，四顾叹曰：“峰峦拥抱，气象龙虎，人杰地灵，必生豪杰。钟其运者，其吾家子孙乎！”是为吴越武肃王高祖。自泉府上士以钱为氏，於是六十七世矣。其六十八世为王曾祖讳沛，器宇宏深，书入神品。尝学晋右将军王羲之书，临池精思，八体超逸，真草俱成。一日偶濡毫木上，入木三分。遂以达於唐朝，穆宗知其姓名，下诏授宣州旌德县令。及王之贵，而蒐其翰墨以为家藏之宝。生二子，其仲讳宙，字遵古，则王之祖也。服习典训，潜德勿耀。而生王考讳宽，字宏道，继世雅素，安於丘园。寻以王乘时建业，定越安吴，遂得受宠累朝，通班极品。至昭宗景福二年，累进太府少卿，加朝散大夫、检校礼部尚书。宠禄以

盛，素尚无改昭宗锡以茅山之地。而王考忘其轩冕，水槛山池，风晨月夕，扶杖逍遥。王以岁时归省，车徒雄盛，万夫前导。王考闻王至，走窜避不见。王则徒步夜归以省王考，不及避，而请所以。王考曰：“吾家世田渔为事，未尝有贵达如汝。汝今为十三州主，三面受敌，与人争利，吾恐祸之及也，何忍见汝。”王泣谢曰：“不敢负大人教。”於是敛兵保境。一方毫倪不识兵革，而以长子孙，安耕凿，则王考之教也。寻勒赐私第并列门戟一十六枝，名其乡曰广义，名其里曰勋贵。以乾宁二年乙卯四月十八日薨。夫人河南水丘氏，实为王妣，先以宣宗大中六年壬申二月十六日生王。自王以上，传序具於王之谱。而参稽史实，备著异闻，疑以传疑也。自王以下，征文不异所记，则根据谱载，董理成章，信以传信也。尊祖敬宗，征文考献，不敢苟也，抑亦何敢诬也。僖宗乾符二年，浙西镇遏使王郢作乱。王於是年二十二岁矣，起兵临安，以隶石鉴镇将董昌，击郢，破走之。遂以乡兵破走黄巢，名闻江淮。复以八都兵破刘汉宏，并越州以奉董昌。及昌称帝以叛，则诛昌而并越。尽有浙东西之地以北拓地抵苏州。经文纬武，乃以成及、杜陵、阮结、顾全武等为将校，而以沈崧、皮光业、林鼎、罗隐为宾客，盈庭济济，开国称王。传其子文穆王元璟，至其孙忠献王宏佐，遂破南唐李景兵，取福州，南极於海。而宏佐之弟忠懿王宏俶又大出兵攻景，以迎周世宗之师。其后卒以国入觐。三世四王，与五代相终始。天下大乱，豪杰蜂起。方是时，以数州之地盗名字者，不可胜数，既覆其族，延及於无辜之民，罔有子遗。而吴越地方千里，带甲十万，铸山煮海，象犀珠玉之富甲於天下，浙人俚语目之曰海龙王，言其富盛若彼也。然终不以帝号自娱，抚民保境，是以其民至於老死不识兵革，四时嬉游歌鼓之声相闻。及宋有天下，而忠懿王俶封府库，籍郡县，请吏於朝，视去其国如去传舍，不糜烂其民以保一姓。其有德於斯民甚厚。事具欧阳修五代史记吴越世家，其间微言讽刺，不少概见。然於吾武肃王著其雄风霸气，於文穆王称其好学善诗，於忠献王则叙其有谋善断，发奋为雄以开疆拓土。於忠懿王则叙其度德量力，见几而作以纳土归命。其实不可掩也。方当天下大乱，角力争雄。而武肃王与民休息，春容文墨，优游家衎，作《还乡歌》曰：“三节还乡兮挂锦衣，父老远来相追随。牛头无字人无欺，吴越一王驷马归。”虚以下士，有作必以质正。宾客罗隐雅好讥评，怡然不怒。人以大度称之，然而英风霸气，状貌奕奕，远之有望，近之不厌。梁太祖尝问吴越进奏吏曰：“吴越王平生有所好乎？”吏曰：“好玉带名马。”太祖笑曰：“真英雄也。”夫惟大勇能之而不为，降心相从，偃武修文，特以家传世谱，起至少典，历世绵远，流派繁多，传写年深，颇乖次序，奋笔而作，成大宗谱，而吾钱氏始有谱。谱中富春侯以下列传，皆罗隐笔也。词义典雅，特工於笔而舛於史。王则自为之序，词气盘桓，然玉振金声，质有其文，所书复刚劲结密，殆未易以学者。文穆王保大定功，好学善为诗。有诗千篇，编其尤者三百篇，命曰：《锦楼集》。而以沈崧为国相，置择能院，选吴中文士，馆谷焉。忠献王冲龄即位，老将跋扈，而内镇外攘，未遑文事。忠懿王则承休袭荫，识天命之有归，抚全境以待时。息心远略，博览经史，手不释卷。好吟咏，得三百余篇为一集，题曰正本。以属国相元德昭，翰林学士陶谷为序。散佚之余，尚传十卷。惟以文艺自娱，故王尤喜翰墨。而作字善颠草，其斡旋盘拿，不减古人。既纳土於宋，乃封王淮海。久之又王汉南，复徙王郢。而太宗遣使取其草书以进，王乃以旧习绢图上之。诏赐以玉所、金匣、象管、蜀笺等，且示宠焉。端拱元年八月二十一日，太宗以其诞日，遣使赐器币。方与使者宴罢，及暮，有流星殒於正寝，光照户外。遂以讣闻，年六十有一。於是诏追封王秦国，谥忠懿。忠

懿王亲兄弟十人。伯兄宏傳，早世不禄。而忠献王宏佐，以次子承大统。次宏侔，弟兄相及，是为忠逊王。忠逊王英统不自制，形於歌咏，御诸将以严，而为大将胡进思所废，迎立忠懿王。而忠懿王次居第五，上尚有兄曰宏僊，下有弟曰宏亿、宏偁、宏仰、宏俨，皆出文穆王，所谓文穆王十房者是也。而宏俨最小弱弟，文穆王爱怜少子，以属罗隐、沈嵩，学为文章。及忠懿王嗣位，授镇东军安抚使，累迁婺州刺史、昭化军节度使。而宏俨思远权势，潜心著述。按国之故，摭武肃王以下累世事，至忠懿王，系日系月，编年为书，咸《吴越备史》四卷，补遗一卷，而冠以世系图，诸王子弟官爵封谥表，十三州图十三州考，详而有则。司马光著《资治通鉴》，其中涉吴越国事，据为实录。他所著有《忠懿王勋业志》三卷，《戊申英政录》、《皇猷光显录》各一卷，皆佚，独《吴越备史》存。以宋太宗太平兴国三年，随忠懿王入朝，授新劾傅金等州观察使。忠懿王九子，文僖公惟演次居第八，最秀出，从父归朝，为右屯卫将军，历右神武军将军。真宗闻其博学能文章，召试学士院，以笏起草立就。真宗称善，改太仆少卿。献咸平圣政录，命直秘阁，预修《册府元龟》，翰林学士杨亿总其事，而公受诏为序。公与杨亿、刘筠以新诗更相属和，而亿编叙之。以与筠及公同官禁近，故取玉山丹府之义，名其集曰《西昆酬唱集》。其诗宗法唐李商隐，取材博赡，造语精整，而镕铸变化，不乏兴象。海内风动，争相摹效，号西昆体，则杨亿、刘筠唱之而公和之也。仁宗嗣位，累官以兵部尚书拜枢密使。寻以保大军节度使出知河阳，逾年入朝，加同中书门下平章事，判许州。天圣七年，改武胜军节度使。明年来朝，上言先塋在洛阳，愿守宫籓，即以判河南府，留守西京。而欧阳修新及第，实以试秘书省校书郎充西京留守推官。於是修年二十四矣。公王家子，特以文学仕至贵显，所至皆招集文士。而河南吏属，适皆当时贤材知名士，故其幕府号为天下之盛。梅尧臣、尹洙、谢绛与修其选也。公善待士，未尝责以吏事。而河南又多名山水，葱竹茂树，奇花怪石光景，流连其平台清池上下荒墟草莽之间，修得日从贤人长者赋诗饮酒以为乐。一日，自嵩山归，暮抵龙门香山，雪大集。忽见烟霭中车马渡伊水，则公遣厨传歌伎来到。因传语曰：“山行良佳，少留龙门赏雪，毋遽归也。”修尝言西洛故都，荒台废沼，遗迹依然，见於诗者多矣。惟钱文僖公一联云：“日上故陵烟漠漠；所归空苑水潺潺。”最为警绝。然修春一妓，尧臣、洙及绛三人者，共白於公，屡微讽而不之悛。一日，宴於后园，客集，而修挈妓姗姗来迟，阖座属目焉。公责妓曰：“未至何也？”妓对：“中署往凉堂睡著，觉而失金钗，觅之未见。”公曰：若得欧推官一词，当为偿。修即席赋曰：“柳外轻雷池上雨，雨声滴碎荷声。小楼西角断虹明。阑干倚遍，待得月华生。燕子飞来栖画栋，玉钩垂下帘旌。凉波不动簟纹平。水精双枕倚，有堕钗横。”座皆称善。遂命妓满酌觞修，而公令库偿妓钗，戒修自爱。后修《五代史》记十国世家，诋厉吴越，又《归田录》涉文僖公，皆非美谈。然余读修《归田录》涉文僖公者两事：一曰公生长富贵而性俭约。闺门用度为法甚谨，子弟非时不得辄取一钱。公有一珊瑚笔格，尤所珍惜，常置之几案。子弟有欲钱者，辄窃而藏之。公即怅然自失，乃榜於家庭，钱十千贖之。居一二日，子弟佯为求得以献，公欣然以十千赐之。他日有欲钱者，又窃去。一岁中率五七如此，公终不悟也。余官西都，在公幕亲见之，每与同僚叹公之纯德也。一曰公生长富贵而少嗜好。在西洛时，尝语僚属，言平生惟好读书，坐则读经史，卧则读小说，上厕则阅小词。盖未尝顷刻释卷也。皆非不美之谈，而亦似无不快於公者。晚而公落平章事，以崇信军节度使判随州，抑郁不自得。一日酒阑，赋词曰：“城上风光莺语乱，城下波波春拍岸。绿

杨芳草几时休，泪眼愁肠先已断。情怀渐变成衰晚，鸾鉴朱颜惊眩换。昔年多病厌芳樽，今日芳樽惟恐浅。”歌之泗涕。时后阁尚有故国一白发姬，乃忠懿王歌鬟警鸿者也。闻而叹曰：“吾忆先生之薨，预戒轺铎中歌木兰花一阙。亦有‘帝乡烟雨锁春愁，故国山川空泪眼’之句，引缚为送。今相公亦将不禄乎？”果薨於随。实为景祐元年七月六日。公文词清丽，与杨亿、刘筠相上下。於书无所不读，而家储文籍侔秘府。尤喜奖励后进。所著有《飞白书叙录》一卷、《钱氏庆系谱》二卷、《钱俶贡奉录》一卷，见《宋史·艺文志》。而《典懿集》三十卷以及《金坡遗事》，《逢辰录》，《奉藩书事》诸书，见宋史本传。《逢辰录》者，盖排日尽书公父子承恩荣迁及朝廷盛典，极为详尽，足以补史之阙文，见称於汝阴王明清《挥麈后录》，而惜其为人乾没者也。有子十一人。其六曰异国公暄，以父荫累官驾部郎中，知抚州，移台州。台州城陴地下，秋潦暴集，辄圯溺，人多即山为居。而公蒞台州，则增治城堞，垒石为台，作大堤扞之，民以宁居。进少府监，权盐铁副使。公考诸路逋租，而两浙转运使负课多。公上言，浙部仍岁饥，故租赋不登籍，令使者获罪，必亟敛於民，民不堪矣！神宗即诏积之，改光禄卿，出知郢州，拜宝文阁待制。以元丰八年乙丑月卒。以子尚主，赠太师，追封异国公。有子十二人。其九曰景臻，即会稽郡王也。先是哲宗以治平四年春正月崩。而神祖嗣位，进翰林侍读学士王珪为翰林学士承旨，典内外制，出入禁闥。诏之曰：“昭陵二女，皆朕之姑。卿可选勋贤之后有福者尚之。珪未有以奉诏。而异公自台州归朝，令稽郡王补试入太学，与珪之子同斋。闻父言，告曰：“近有一钱少监子，风骨不群，文采富赡，恐可奉诏。”珪遂就启圣院设斋，令其子尽召同舍生。饭罢，而珪会茶，熟视王久。明日，又命子窃取所业，袖以进御。奏曰：“臣奉诏选勋贤之后尚主，今得吴越王钱某之孙，与臣男同斋，得其业。因备奏启圣院设斋延食之事，乞赐召见。”上曰：“待共太皇商量。”太皇者，仁宗光献曹皇后，以神宗立被尊为太皇太后也。后数日，有旨令三班奉职曹诗、进士钱景臻，又一人佚其姓名，於某月某日同候宣押。曹诗以本色服，而王服布衣。巳时，候内侍宣押入内。至一小殿，殿内宫嫔屏侍，庆寿承寿两公主在焉。引王与曹诗立帘前，斯须，上小帽领出帘外熟视曰：“帘外与帘内一般，顾左右令止御乐。”听圣旨，帘内宫人传旨：“钱景臻可尚庆寿公主，曹诗可尚承寿公主。”引入幕次更衣，各赐袞衣玉带。引至殿下谢恩。殿上轴帘，太皇太后与英宗宣仁高皇太后及神宗钦圣皇后向同坐。太皇太后谓曹诗曰：“汝是我侄，曾见来附。”王背曰：“钱郎好女婿。”上曰：“是一享福节度使。”左右宫妃观者如堵。上与皇后侍太皇太后、皇太后，徐登步辇还内，乐声渐远。后引王与曹诗再入幕次，赐酒五行，执事皆宫嫔。饮罢，随内侍出至宫门，各以仗下御马一匹，崇政殿亲从官二十人，导归第。谓之宣击玉带，赴朝三日，除官正刺史，却击方金御仙花带。赴朝参逾年，庆寿公主进鲁国，大长公主以下归於王。太皇太后、皇太后以及皇后亲护就第。太常卤簿迎引。先是英宗尝谓上曰：“旧制帝女出降，辄皆升行以避舅姑之尊，朕尝思之不平，岂可以富贵之故，屈人伦长幼之序也。可诏有司革之。”会疾不果。至是始诏公主行见舅姑如家人礼。著为令，改韩周燕国。徽宗朝，进秦魏两国。政和三年，更封令德景行大长帝姬。而王历哲宗、徽宗、钦宗三朝，累进金紫光禄大夫、检校司空、右领军卫大将军。以靖康元年十月十六日薨，追赠太师、会稽郡王。其明年，金人入寇，徽钦蒙尘，尽俘诸帝姬北徙，淫辱不堪。而姬以前朝女守寡，门庭寂寞，金人不知，独获免。及高宗嗣位，以建炎初复公主号，改封秦鲁国。避地南徙，遇盗，子愕被害。公主至扬州，挈三子朝謁。金人追踪至，再避之闽。绍

兴三年，自闽至会稽，朝帝於行在所，因留居焉。后徙台州。上以公主属尊年高，每入见，必亲迎揖。主有三子，恟恟非己出，而私於忱。为请旌节，授泸州节度使，加开封仪同三司。上戒主曰：“长主寿考如此，乃仁宗皇帝四十二年深仁厚泽，是以钟庆为长主。长主待诸子，宜法仁宗用心之均一。主感服。薨，年八十六。上辍朝五日，幸其第临尊。谥贤穆，二十九年，加谥明懿。子四人，忱愕，公主出。其三曰咸宁郡王恂。虽非主出，亦以主子推恩，累进德庆军节度使、开府仪同三司、检校太尉，封秦国公。薨，赠太师、咸宁郡王。历徽钦两朝，以迄事高宗。奉命使金，朝掌国故，殫见洽闻，多出身历，不同耳食。而为从子迪功郎秀州嘉兴尉世昭，时时称说。世昭据而笔焉，成《钱氏私读》一卷。王三子，端立、端瑀、端靖。端瑀仕至江南东路转运使，生亳州太守筠。筠三子，继祖、彝祖、显祖。继祖徙居镇江以开派。而显祖以父荫授承事郎，有二子，曰逵、曰迪，逵迁居湖州，为麒麟巷支。而迪有庄在无锡梅里乡垞山之西，喜其泉甘土厚，而以宋理宗宝庆元年定居焉。是垞山钱氏开族世祖，以字称曰尚父公。三子，致湿、致诚、致淦。致湿仕江东节度使，二子，伯一、伯二。伯一生於宋而歿於元，二子，曰正、曰缶。缶仕江西铅山州学正，沈潜注学，尤深於易，洞明先后天之数，学者称易象先生。是为城西开支之祖。有八子：曰均其、均济、均用、富四、富五、文中、富七、均辅。其中均用之后为西岩派，则以有子德大号西崖也。而均辅与高士倪瓚为友，一子曰佑。佑以字称，曰天锡公。生四子：曰德、敬、谦、益。德、敬出仕湖广，而子孙因以占籍焉。谦、益则入明不仕，偕隐林泉，白首怡怡以贻休我后人。谦字永谦，号安素，为安素派祖。而益字永义，则为永义派祖。有子曰继。继四子：海、浦、淑、浚。浦生二子：曰琰，曰瑜。琰字君王，号近斋，仕浙江东梓关巡检。有诸生朱衣者，为仇所诬，以盗系者七年矣。至则钩距得真盗，乃白其冤而释之。衣已困惫垂死，呜咽叩首曰：“愿得托体大人，以报洗濯恩。”抵家而绝。时公未有子也，夫人薛寻有孕。居一载，生子曰宪，传者谓朱衣投生也。字国章，号心斋。生而聪睿，未入塾，已识字盈筐。父授以唐诗一帙，背诵不遗一字。及就传，嬉戏跳踉，谑侮其师，师怒而去。越五六年，偶游学舍，见诸生衣冠游庠，心窃慕之，乃发愤就学。数年遂大贯通，中武宗正德九年甲戌唐皋榜进士，授浙江常山县知县。偶为监司所诃，即引疾归，吟咏自适。邑人顾光旭纂《梁溪诗钞》，录其乙卯二月二日秦从川邀入吟社感赋一章。以茂典出清新，有谢康乐之风焉。一子至生，字伯阳，号午台。早以诸生食饩，而乡闾十踏，仅列副榜，出以澹然。子三人：曰如金，存正，如玉。如玉五子：曰洪曾、法曾、洽曾、源曾、滋曾。法曾字符先，遭明鼎革，读书养性，不问户以外事，欣然有会，则奋笔而书。著有《求是斋文稿》四百余篇，同郡瞿丽江选入毗陵文徵前集。隐居北门外之黄泥桥，实为黄泥桥派祖。三子：曰求，曰森，曰林。林生四子：曰勋、焘、烈、照。照字克荣，承家儒素，闭门著述，有希文稿三百余篇，清矫不同凡笔，选入毗陵文徵前集。子二人：曰奎，曰堂。奎字魁文，家学濡染，著有《北郭吟稿》，《规世格言文稿》。而文稿志在明道，亦选入昆陵文存。祖孙父子，代有著述，而一方之文献系焉。子四：士铭、士钟、士钧、士镜。士镜字鉴远，少颖悟，能读父书。父歿家落而不竟所学以负贩於江阴，遂家焉。其业日致饶益，然不肯自私所有，必以致宗人之在锡者。武进李兆洛为之传，著录《养一斋文集》，自比於柳子厚之传宋清，以为居市而不为市之道者也。持筹握算，不废诗书。年五十，绘图自题，有“隔院书声听尚乐，芸编亲对乐何如”之句，因取其意而署为桐阴听读图云。有子二人：曰若浩、若澣。若浩，字观涛，

(陈仿麟校订)

圣神功德厚，光盛武陵春。敕券传家宝，文章贯日清。诗书忠孝远，兰桂冕旒尊。温良恭俭让，奕叶立尼门。王侯从古有，英烈至今新。物华天象应，人杰圯灵生。蛟腾连凤起，电紫与霞横。海阔波涛大，枝繁根蒂深。仰观星斗近，俯视泰嵩平。皇图期巩固，终始袭骈臻。



象山支钱氏世系



